

UDRUŽENJE
SPORTSKI SAVEZ BIHAĆ
502. Viteške brigade 37.
BIHAĆ
Djelatnost: 92.620
ID: 4263281520003
Tel/fax: 037/222-533
www: sportski-savez-bihac.ba
e-mail: sportski.savez.bihac@gmail.com

**INFORMACIJA O STANJU SPORTA
NA PODRUČJU OPĆINE BIHAĆ**

Bihac, august 2010. godine

SADRŽAJ :

1. UVOD.....	2
2. STANJE SPORTA NA OPĆINI:.....	4
- Mladi i sport.....	4
- Interes grada.....	5
- Postojeće stanje sportskih objekata.....	6
- Opće informacije – klubovi članice Saveza.....	12
- Školski sport.....	14
- Univerzitetski sport.....	16
- Takmičarski-kvalitetni sport.....	16
- Vrhunski sport.....	19
- Sportska rekreacija „Sport za sve“	20
- Sport osoba sa invaliditetom	21
- Stručni kadrovi.....	22
- Zdravstvena zaštita.....	23
- Naučno-istraživački rad.....	24
- Finansiranje sporta.....	25
- Sport i informisanje.....	26
3. ZAKLJUČNA RAZMATRANJA.....	27
4. PRIJEDLOG MJERA ZA UNAPREĐENJE POSTOJEĆEG STANJA	28

1. UVOD

Savremeni način života i rada, uz svu automatizaciju i razvijenu tehnologiju koja nas okružuje, ne zahtijeva znatna mišićna naprezanja. Fizički rad je neznatan, jer se traži samo preciznost izvođenja pokreta, kontrola strojeva, umno i psihičko naprezanje i statično opterećenje. U toku rada, gdje su osnovni položaji sjedeći i stojeći, hodanje je svedeno na minimum. Još više se ti osnovni oblici kretanja hodanje ili trčanje, upotrebom automobila i drugih prijevoznih sredstava svelo na najmanju mjeru. Nadalje, gledanje TV , korištenje kompjutera, posjete sportskim priredbama kao pasivni posmatrači, još više umanjuju čovjekove psihičke sposobnosti , kao i funkcionalne.

Kod djece i mladih, takva neaktivnost usporava rast i razvoj, kod odraslih je opasna po zdravlje, a kod starijih osoba, ona može biti i kobna.

Da bi se izbjegle posljedice takvog načina života neophodno je u režimu svoga življenja pronaći vremena za bavljenje tjelesnim aktivnostima. To je jedini način da se očuva i unaprijedi fizička sposobnost, a time i stanje zdravlja svakog od nas.

Igra i sport su sastavni dio života ljudi različitih uzrasta i društvenog položaja, a pogotovu djece i mladih.

Sport predstavlja opće ljudsko dobro. Ljubav prema sportu i užitek u širenju granica ljudskih mogućnosti, spontanost i sve što se može kroz sport i natjecanje postići , posebno je važno za djecu i mlade, jer za njih je sport i igra izraz života.

Zdrava, okretna spretna i vješta mladost podnosi lakše sve teškoće života. Zadatak tjelesnog vježbanja temelji se na mogućnosti poticanja rasta i razvoja , kao i na jačanju općih funkcionalnih sposobnosti.

«Sport je aktivnost iznad prosječne umne i tjelesne angažovanosti čije efekte ostvarujemo različitim oblicima tjelesnih vježbi i aktivnostima prema dogovorenim pravilima neke igre i izvedbe“-samo je jedna od definicija sporta.

Sport osim očuvanja zdravlja, te stvaranja radnih sposobnosti, ima značajnu društvenu ulogu. Ta uloga je usmjerena na odgojno-obrazovne vrijednosti i provjere tih vrijednosti kroz uspjeh sudionika sa stalnom težnjom za napretkom. Sport djeluje na zdravstvenu i funkcionalnu sposobnost , kao i na intelektualni, radni i estetski razvoj svake ličnosti. Bilo koji sport i bilo koja tjelesna aktivnost aktivira cjelokupnu ličnost i djeluje pozitivno na učesnika, pa je važno kretati se ali i prilagoditi svoje sposobnosti prema sebi i svojim psihofizičkim mogućnostima .

Sportski savez i Grad Bihać su se odredili prema javnom interesu u sportu koji se odnositi na :

- razvijanje svijesti o sportu i njegovim vrijednostima kod mladih i građana,
- podsticanje i afirmacija sporta kao dijela opće kulture i duhovnih vrijednosti našeg društva ,
- očuvanje zdravlja,
- podržavanje akcije «sport za sve» i uključivanje što većeg broja građana, bez obzira na uzrast , starost, fizičke sposobnosti i sl.kroz rekreativne aktivnosti, stvaranje uslova za postizanje vrhunskog sportskog stvaralaštva i njegovu prezentaciju,
- pomoć sportu osoba sa invaliditetom,
- edukacija i školovanje stručnog kadra,
- izgradnju i adaptaciju sportske infrastrukture.

Zadaci :

- da ukaže da se sport kao i druge ljudske aktivnosti razvijaju prirodnim putem,
- da svakom građaninu omogući da mu sport bude dostupan, a da se sam prema svom interesu opredijeli za aktivnosti koje želi i koje mu odgovaraju,
- da svaki aktivni sudionik u sportu ne mora da postane i aktivni takmičar i da postiže vrhunske rezultate,
- da većini učesnika sport pruži radost i zadovoljstvo,
- da učesnike uči i vaspitava fer pleju, očuvanju ljudskog okoliša i unapređenju odnosa među ljudima,
- da bude putokaz za angažovanje što većeg broja građana da kroz svoje programe baveći se sportom, stiču bolju pripremljenost, disciplinu i navikavaju se na kolektivni rad,
- da organizovanjem u sportska društva ispunjavaju svoje aktivnosti, zadovoljstvo i razonodu, a da talentovani u želji da ostvare vrhunska dostignuća, budu spremni na velike napore.

2. STANJE SPORTA NA OPĆINI

Sportski savez je asocijacija klubova općine Bihać koji su na principu dobrovoljnosti učlanjeni u Sportski savez. Savez vrši kontinuirani uvid u stanje i probleme sa kojima se članice susreću, a Savez je zakonskim propisima određen kao nosilac razvojne politike i praćenja dostignuća u sportu.

Na osnovu Zakona o sportu USK-a (čl.40) određeni su poslovi i nadležnost lokalne samouprave koji se odnose na :

- organizaciju sportskih priredbi (čl.3 Zakona),
- uređenje sistema sportskih takmičenja na lokalnom nivou (čl.3 Zakona),
- osiguranje sredstava za zadovoljavanje potreba i interesa društva u sportu,
- sistematsko ostvarivanje aktivnosti djece, omladine i drugih građana u različitim oblicima sportskog vježbanja (čl.31, alineja 3. Zakona),
- usavršavanje sportskog podmlatka, organizaciju MOI i druge oblike dječijeg, omladinskog, studentskog i invalidskog sporta (čl.31. alineja 4. Zakona).

Dosadašnji rad Saveza može se okarakterisati kao uspješan, kako po ostvarenim rezultatima sportaša tako i po organizacionoj formi i realizaciji programa, svjesni da ima dosta prostora za unapređenje istog.

Savez je realizovao ciljeve trudeći se da programske sadržaje ostvari kao što su i planirani, a na osnovu donijetih objektivnih i stručnih procjena o vrijednostima tih programa, pritom ne rijetko nailazio na poteškoće.

MLADI I SPORT

Pod sportom se najčešće podrazumijeva igra i takmičenja. Sportom se možemo baviti, možemo ga gledati ili ga istraživati. To je skup svih oblika fizičkih aktivnosti kroz kretanje, igru i takmičenja. Za razvoj svakog čovjeka neophodno je što ranije početi sa aktivnostima. Kroz njih upoznajemo svoje kvalitete i mogućnosti, družeći se sa drugima izbjegavamo otuđenje od sredine u kojoj živimo i ostalih ljudi .

Međutim, kod nas se sportu ne poklanja dovoljno pažnje i važnosti. Nedostaju programi po kojima bi se kvalitetno radilo, objekti za realizaciju su u lošem stanju i nema ih dovoljno.

Nasuprot nama, u mnogim evropskim zemljama, čini se sve kako bi se jačala uloga sporta u društvu i to kroz obavezne svakodnevne časove tjelesnog odgoja u školama, organizacijom vannastavnih sportskih aktivnosti, formiranjem školskih sportskih društava, obuhvatanjem mladih u raznim takmičenjima, organizovanim okupljanjem građana svih dobi u rekreativne aktivnosti, kao i dostupnost sportskih objekata za realizaciju takvih programa.

INTERES GRADA

U sportu treba uživati, a druženje koje nam sport pruža, ispunjava nas zadovoljstvom. Kod mladih ono ima odgojno-obrazovnu vrijednost i djeluje na zdravstvene i funkcionalne sposobnosti.

Sport nam pruža užitek i priliku da iskažemo svoje mogućnosti, da se dokazujemo kroz takmičenja, da razvijamo svoj intelekt, a ima utjecaj i na radni pa i estetski razvoj.

Općina Bihać finansira programe u sportu na osnovu javnih interesa koji se odnosi na:

- uključivanje u sportske aktivnosti što većeg broja djece i mladih, dajući podršku vannastavnim sportskih aktivnostima OŠ i SŠ , djeci predškolskog uzrasta i djeci sa posebnim potrebama,
- ulaganjem u razvoj mladih sportaša kroz podršku rada sportskih škola i klubova u radu sa mladima,
- u stručno usavršavanje za rad sa mladima, sa zadatkom stvaranja široke baze i kvalitetne osnove za sport, što je preduslov postizanja boljih rezultata,
- za očuvanje postojećeg vrhunskog kvaliteta, što ima cilj i bolji razvoj sporta i njegovih ukupnih vrijednosti,
- za organizirano okupljanje što većeg broja građana kroz sportske organizacije i društva rekreativaca, ali i stručno plansko vođenje.

Međutim, vrlo je teško obezbijediti finansijska sredstva za zadovoljenje svih potreba, ali još teže pronaći prostore za realizaciju trenažnih i rekreativnih programa.

Grad Bihać pokazuje interes da stvori uslove za masovnim sportskim aktivnostima i to najbolje dokazuje usvojena Strategija razvoja općine Bihać od 2008-2013.godine u kojoj su obuhvaćeni i objekti za razvoj sporta a odnosi se na :

- sanaciju i modernizaciju postojećih objekata te obezbjeđivanje opreme za njih,
- da se izgradi nova sportska dvorana,
- da se izgradi atletska staza i ostala borilišta na gradskom stadionu ,
- da se izgradi trim staza,
- da se izvrši rekonstrukcija gradskog stadiona prema standardima UEFA,
- da se izvrše pripremni radovi za izgradnju višestazne kuglane sa gledalištem,
- da se izgradi olimpijski plivački bazen i
- izgrade asfaltne površine za masovni sport gdje to uslovi u gradu dozvoljavaju.

Možemo zaključiti da je nedovoljan stepen realizacije gore navedenih projekata.

POSTOJEĆE STANJE SPORTSKIH OBJEKATA

Postojeći sportski objekti ne zadovoljavaju potrebe sportskih klubova, sportaša i rekreativaca koji se bave sportom i njegovim razvojem . Nijedna sportska dvorana na području općine Bihać ne ispunjava tehničke standarde za održavanje međunarodnih sportskih takmičenja.

U odnosu na potrebe , postojeći kapaciteti ne omogućavaju sistematsko bavljenje sportom i ostvarivanje vrhunskih sportskih rezultata.

Osim SRC „Rifat Zolić-Gero“ ostali sportski objekti su u zavidnoj mjeri devastirani i neuvjetni za organizovano i sistematsko bavljenje sportom, dotrajali, neopremljeni neophodnim sportskim rekvizitima i opremom.

Pojedine školske dvorane su ne uvjetne za izvođenje obavezne nastave tjelesnog odgoja a poseban problem predstavlja nedostatak sportskih objekata za izvođenje nastave studenata Univerziteta u Bihaću (oko 5000 studenata).

U skladu sa iskazanim potrebama sportaša i sportskih kolektiva, potreba u procesu tjelesnog odgoja i ostvarivanja javnog interesa u oblasti sporta neophodna je izgradnja višenamjenske sportske dvorane sa sadržajem koji će zadovoljiti potrebe loptačkih sportova, borilačkih sportova, kuglaškog sporta itd.

Ujedno, s obzirom na strateško opredjeljenje razvoja turizma na području općine Bihać, sportska infrastruktura otvorit će mogućnost proširenja turističke ponude organizacijom sportskih manifestacija , takmičenja , priprema sportskih ekipa, kao i poboljšanja kapaciteta za kulturne , privredne i slične manifestacije.

Prema podacima Sportskog saveza Bihać trenutno su registrovane 74 sportske organizacije sa preko 3500 registrovanih sportaša , od čega je u sistem takmičenja uključeno oko 1500 sportaša.

Sportske organizacije dijelom koriste prirodne uslove za realizaciju svojih aktivnosti , ali veći broj klubova za realizaciju svog trenažnog i takmičarske aktivnosti iste mora da realizuje u sportskim dvoranama.

Trenutno sportski klubovi koriste prema podacima Sportskog saveza sedmično slijedeće objekte :

- sportska dvorana Luke (velika sala)	22 sata
- sportska dvorana Luke (mala sala)	44 sata
- sala u SRC „R.Zolić-Gero“	60 sati
- dvorana TŠC	22 sata
- dvorana SŠ Gimnazije	12 sati
- dvorana OŠ Prekounje	9 sati
- dvorana OŠ Gornje Prekounje	4,5 sata
- dvorana OŠ Harmani I	6 sati
- dvorana OŠ Harmani II	8 sati
UKUPNO:	187,5 sati

Uslovi u kojima klubovi rade ne mogu se svrstati pod uslovne iz više razloga :

- dvorane su bez grijanja i ventilacije,
- svojim dimenzijama većina ne zadovoljava,
- trenira se vrlo često u kasnim večernjim satima,
- zbog nedostatka termina i prostora zajedno rade muškarci i djevojke pa često i različitih uzrasta,
- prema normama za rad, većina treninga je ispod nivoa normi, kada je u pitanju dužina treninga, broj sportaša, veličina dvorane i sl.

Sve ovo navodi na faktore ograničenja koji sprječavaju normalan sistematski, planirani i programirani rad i tjelesno vježbanje.

Ako bi smo željeli da kroz statistiku budemo što ubjedljiviji kako klubovi a i profesori tjelesnog odgoja rade u lošim uslovima i kako ima puno ograničavajućih faktora u radu, dajemo slijedeće tabele:

OSNOVNE ŠKOLE

ŠKOLA	BROJ UČENIKA	SPORTSKI OBJEKTI	
		dvorane	asfaltirani otvoreni sportski tereni
OŠ Harmani I	962	120 m ²	400 m ²
OŠ Harmani II	1147	288 m ²	364 m ²
OŠ Prekounje	1037	288 m ²	600 m ²
OŠ Gornje Prekounje	713	364 m ²	756 m ²
OŠ Kamenica	381	288 m ²	800 m ²
OŠ Gata Ilidža-Vrsta	496	-	2x800= 1600 m ²
OŠ Brekovica	513	-	3x800= 2400 m ²
OŠ Kulen Vakuf-Orašac	271	-	2x800= 1600 m ²
OŠ Katolička škola	16	-	-
UKUPNO:	6890	1348 m²	8520 m²

Ukupno u prosjeku po učeniku

0,19 m²

1,23 m².

SREDNJE ŠKOLE

ŠKOLA	BROJ UČENIKA	SPORTSKI OBJEKTI	
		dvorane	asfaltirani otvoreni sportski tereni
SŠ Gimnazija	658	288 m ²	nema
Mašinsko saobraćajna škola	419	nema	nema
Medicinska škola	601	180 m ²	nema
MŠŠ (Ekonomska škola)	713	nema	nema
Mješovita elektro.tehnička škola	412	1056 m ²	nema
Umjetnička škola	75	nema	nema
TB US Koledž	175	nema	240 m ²
Katolička Gimnazija	63	-	-
UKUPNO:	3116	1524 m²	240 m²

Ukupno u prosjeku po učeniku

0,48 m²

0,07 m²

SPORTSKA DVORANA “LUKE” dimenzija 42 x 23 x 9, parketni pod, sa 897 sjedišta, sa pomoćnim prostorijama, sanitarnim čvorištem
- kuglana, 4 staze, i u istoj se ne održavaju zvanična takmičenja, praktično je neupotrebljiva, istrošena automatika i oštećene staze.
- mala dvorana sa dijelom sportske opreme i mogućnošću korištenja za borilačke sportove.
- asfaltna površina za loptačke sportove, 1200 m ² , sada u funkciji parkirališta.
GRADSKI STADION
a) travnata površina - osposobljena za korištenje ali u lošem stanju
b. atletska staza - dužine 400m sa 4 trkaće staze, od šljake, u vrlo lošem stanju i veoma rizična za korištenje, zbog neravnina, pa prijete povredama. Neophodno je postaviti tartan ili drugu smjesu.
c. bacališta, skakališta – nema. Na terenu ima prostora za njihovo lociranje.
d. ostale travnate površine - postoje u MZ Prekounje, Pokoj, Kulen Vakuf, Kamenica, Ripač, Izačić, Kralje - Vrkašić, Brekovića i dr., a jedan broj travnatih površina se ne koristi za odigravanje nogometnih utakmica (NK „Brekovića“)
OSTALI OBJEKTI
- Plivački bazen - postoji samo metalna konstrukcija sa koje su skinute metalne krovne i bočne površine, oštećena aluminijska školjka uništena automatika, sanitarne instalacije kao i filtersko postrojenje. - neupotrebljiv za korištenje.
- šah - ne postoji prostor za rad kluba
- tenis /SRC «R.Zolić –Gero»/ - četiri novoizgrađena terena sa umjetnom travom, sa svlačionicama i tribinama.
- hipodrom - osposobljen za korištenje, postoje upravna zgrada i štale i sve neophodno za nesmetani rad.
- trim staze - nema
- skijalište - locirano na Plješevici ali neupotrebljivo jer teren nije deminiran
- boćalište - dvije staze
- aerodrom - postoji sportski aerodrom na Golubićkom polju sa svim sadržajima i aktivno se koristi.
- planinarski dom - nedovršen je ali se koristi i održava zahvaljujući članovima društva.
- kajak staza - postoji prirodna staza za kajak na divljim vodama koja nije homologizirana. - strelišta - nema, izuzimajući vojni objekat u kasarni “Adil Bešić”.
- Košarkaško asfaltirano igralište „Bigram“
- Sportski centar u okviru Kulturnog centra (mali nogomet, rukomet, odbojka, košarka), sada u funkciji parkinga.

Anketa provedena među pedagogima tjelesnog odgoja koji rade u školama, pokazuje veoma loše stanje u kojem se sportske školske dvorane nalaze:

- većina dvorana je bez grijanja,
- pomoćne prostorije-svlačionice su takođe u lošem stanju, sa neadekvatnim sanitarnim čvorom, bez kupatila i ventilacije, a predviđene za manji broj učenika nego što ih ima u razredima koji izvode nastavu,
- dvorane su bez sprava i rekvizita ,a u onima koje ih imaju, nedovoljne i već odavno zastarjele i istrošene.

U prošloj i ovoj godini je u većini školskih dvorana izvršena sanacija krovišta, promjenjena stolarija i u nekim zamijenjene podloge.

Ono što još više treba da nas zabrine je da postoji veliki broj djece u školama koje prvi susret sa sportom u dvoranama dobijaju polaskom u VI razred , jer ili nemaju dvorane pri školama ili je zbog velikog broja viših razreda veoma teško uskladiti i taj uzrast u raspored korištenja dvorana.

Takve školske dvorane koriste i neki klubovi i to oni kojima po svojim dimenzijama odgovaraju , a ne koriste sprave i rekvizite u opštoj i specijalnoj fizičkoj pripremi, sa sportašima ili rade sa mlađim uzrastima, pa ih ne moraju koristiti.

Međutim, takmičarskom sportu takve dvorane nisu pogodne za rad, a pogotovo za organizaciju i odigravanje utakmica, jer ne odgovaraju propozicijama i nemaju prostor za gledaoce, te koriste usluge sportske dvorane Luke i Tehničke škole.

Ako prihvatimo tvrdnju-da je baza sporta u školama, onda je opravdana tvrdnja, da učenicima tih škola treba omogućiti bavljenje sportom na masovnoj razini, kroz takmičenja u okviru samih škola, a time i ispuniti društvenu obavezu i odvojiti mladost od ulice i štetnih uticaja droge, pušenja i alkohola.

To ne znači da ti objekti i škole okrenu leđa sportašima i sportskim organizacijama, već da ih privuku da svojom stručnom i tehničkom pomoći stvore kvalitet sportaša koji će njima koristiti u popuni mlađih selekcija.

Školske dvorane ne treba da se komercijalizuju na štetu svojih učenika, već nasuprot da im omoguće maksimalno korištenje uz pomoć Sportskog saveza i sportskih organizacija.

SPORTSKI KLUBOVI KORISNICI DVORANA

1. Sportska dvorana „Luke“

Ženski rukometni klub „Bihać“	4,5 sata
Ženski odbojkaški klub „Bihać“	4,5 sata
Muški odbojkaški klub „Bihać“	4,5 sata
Muški rukometni klub „Bihać“	4,0 sata
<u>Košarkaški klub „Bihać“</u>	<u>4,5 sata</u>
Ukupno	22,0 sata

1.1. Sportska dvorana „Luke“ (mala sala I)

Stonoteniski klub „Bihać“	16,0 sati
---------------------------	-----------

1.2. Sportska dvorana „Luke“ (mala sala II)

Aerobik klub „Viktorija“	6,0 sati
Bokserski klub „Bihać“	8,0 sati

1.3. Sportska dvorana „Luke“ (kuglana)

Muški kuglaški klub	8,0 sati
Ženski kuglaški klub	6,0 sati

Ukupno	44,0 sata
---------------	------------------

2. Dvorana „Gimnazije“

Košarkaški klub „Bihać“	4,0 sata
Košarkaški klub „Bosna XXL“	2,0 sata
Ženski odbojkaški klub „Bihać“	3,0 sata
<u>Odbojkaški klub „Bihać“</u>	<u>3,0 sata</u>
Ukupno	12,0 sati

3. Dvorana OŠ „Gornje Prekounje“

Ženski odbojkaški klub „Bihać“	4,5 sata
--------------------------------	----------

4. Dvorana Tehničke škole

Ženski rukometni klub „Bihać“	6,5 sati
Ženski odbojkaški klub „Bihać“	5,0 sati
Muški odbojkaški klub „Bihać“	4,5 sata
Košarkaški klub „Bihać“	3,0 sata
<u>Košarkaški klub „Bosna XXL“</u>	<u>3,0 sata</u>
Ukupno	22,0 sata

5. Dvorana OŠ „Prekounje“

Klub ekstremnih sportova „Limit“	4,5 sati
<u>Klub borilačkih sportova „Zino“</u>	<u>4,5 sati</u>
Ukupno	9,0 sati

6. Dvorana STENS

Klub borilačkih sportova „Zino“	4,0 sata
Aikido klub	6,0 sati
Judo klub „Una“	9,0 sati
Karate klub „Bihać“	14,0 sati
Kickboxing klub „Bihać“	11,0 sati
Atletski klub	2,0 sati
Plesni klub „Virus“	8,0 sati
<u>Pl.klubovi „Miss“ i „Orient“</u>	<u>6,0 sati</u>
Ukupno	60,0 sati

7. Dvorana OŠ „Harmani I“

Karate klub „Ferhat Đulkić-Feri“	3,0 sata
<u>Karate klub „Delta“</u>	<u>3,0 sata</u>
Ukupno	6,0 sata

8. Dvorana OŠ „Harmani II“

Kick boxing klub „Bihać“	6,0 sati
<u>Karate klub „Bihać“</u>	<u>2,0 sata</u>
Ukupno	8,0 sati

Ukupan fond zakupljenih sati u radu dijela sportskih organizacija iznosi 187,5 sati u jednoj nedjelji, što znači, da mjesečno taj fond sati iznosi 750. Ukupan fond sati za potrebe klubova u toku takmičarske sezone može se dobiti tek nakon saznanja kolika je dužina trenažnog procesa u toku godine, broj treninga u tom periodu i sl.

Međutim, neophodno je znati, da su većina termina koje koriste naši klubovi u trajanju od 90 minuta, a odnosi se prije svega na loptačke treninge, a da u savremenoj metodici i programima rada je to ispod svakog minimuma. Vrhunske odbojkaške ekipe treniraju dva puta dnevno i u prosjeku, svaki trening traje od 120 do 180 minuta i to naročito visokog intenziteta. Zato se ne treba čuditi slabim rezultatima koji se postižu od strane naših pojedinih takmičarskih ekipa.

OPĆE INFORMACIJE

Sportske organizacije – klubovi članice Sportskog saveza Bihać

R/B	NAZIV KLUBA- ČLANICE SS	RANG TAKMIČENJA
1.	NOGOMETNI KLUB «JEDINSTVO»	1 liga F. BiH
2.	NOGOMETNI KLUB „SLOGA 1937“ KRALJE-VRKAŠIĆ	1 Kantonalna liga USK-a
3.	NOGOMETNI KLUB „BORAC“ IZAČIĆ	1 Kantonalna liga USK-a
4.	NOGOMETNI KLUB „OMLADINAC-75“ POKOJ	1 Kantonalna liga USK-a
5.	NOGOMETNI KLUB „BREKOVICA 78 “ BREKOVICA	2 liga F. BiH „Zapad“
6.	NOGOMETNI KLUB «UNA 1925» KULEN VAKUF	1 Kantonalna liga USK-a
7.	ŠKOLA FUDBALA FUDBALSKI KLUB «PREKOUNJE“	Omladinske lige USK-a
8.	NOGOMETNI KLUB „ RADNIČKI 1936“ RIPAČ	2 liga F. BiH „Zapad“
9.	NOGOMETNA ŠKOLA «KOLIBRI»	Omladinske lige USK-a
10.	OMLADINSKA NOGOMETNA ŠKOLA „JEDINSTVO“	U sklopu NK „Jedinstva“
11.	NOGOMETNI KLUB „KAMENICA“	Nisu aktivni
12.	ODBOJKAŠKI KLUB „BIHAĆ“	1 liga F. BiH
13.	KOŠARKAŠKI KLUB „BIHAĆ“	A 1 liga KS BiH
14.	UDRUŽENJE KOŠARKAŠKI KLUB «BOSNA XXL»	Omladinske lige USK-a
15.	ŽENSKI RUKOMETNI KLUB „BIHAĆ“	1 liga F. BiH
16.	UDRUŽENJE RUKOMETNI KLUB „BIHAĆ“	1 liga F. BiH - Sjever
17.	ŽENSKI ODBOJKAŠKI KLUB „BIHAĆ“	Premijer liga BiH
18.	TENIS KLUB „BIHAĆ“	Turnirski sistem takmičenja
19.	STONOTENISKI KLUB „BIHAĆ“	Kantonalna liga USK-a
20.	VETERANSKI KOŠARKAŠKI KLUB „BIHAĆ“	Rekreacija
21.	UDRUŽENJE ŠKOLA KOŠARKE „KOŠ“	Omladinska liga USK-a
22.	TENISKI KLUB „UNA-GEM“	Turnirski sistem takmičenja
23.	KAJAK KANU KLUB „UNA“	Turnirski sistem takmičenja
24.	KAJAK KANU RAFTING KLUB „KOSTELSKI BUK“	Nisu aktivni
25.	RONILAČKI KLUB „UNA“	Turnirski sistem takmičenja
26.	UDRUŽENJE SPORTSKIH RIBOLOVACA „UNA“	Turnirski sistem takmičenja
27.	UDRUŽENJE „AQUARIUS“	Turnirski sistem takmičenja
28.	KLUB EKSTREMNIH SPORTOVA „LIMIT“	Turnirski sistem takmičenja
29.	PLANINARSKO DRUŠTVO „RUNOLIST“	Rekreacija
30.	PLANINARSKO DRUŠTVO „PLJEŠEVICA“	Rekreacija
31.	AERO KLUB „BIHAĆ“	Turnirski sistem takmičenja
32.	SPORTSKI PADOBRANSKI KLUB „PARA-CLUB BIHAĆ“	Turnirski sistem takmičenja
33.	UDRUŽENJE PILOTA I VLASNIKA AVIONA	Rekreacija
34.	KARATE KLUB „BIHAĆ“	Turnirski sistem takmičenja
35.	KARATE KLUB „FERHAT ĐULKIĆ-FERI“	Turnirski sistem takmičenja
36.	JUDO KLUB „UNA“	Turnirski sistem takmičenja
37.	JUDO KLUB „BREKOVICA“	Turnirski sistem takmičenja
38.	BOKSERSKI KLUB „BIHAĆ“	Turnirski sistem takmičenja
39.	KICK BOXING CENTAR „BIHAĆ“	Turnirski sistem takmičenja
40.	KLUB BORILAČKIH SPORTOVA „ZINO“	Turnirski sistem takmičenja
41.	TAEKWON-DO KLUB „BIHAĆ“	Turnirski sistem takmičenja
42.	KARATE KLUB „UNSKI TIGAR“	Turnirski sistem takmičenja
43.	KARATE KLUB „DELTA“	Turnirski sistem takmičenja
44.	KARATE KLUB „SENSEI“	Turnirski sistem takmičenja

45.	KLUB BORILAČKIH SPORTOVA „LJUTOČ“	Turnirski sistem takmičenja
46.	KARATE KLUB „ENPI“ SOKOLAC	Turnirski sistem takmičenja
47.	KARATE KLUB „MLADOST“	Nisu aktivni
48.	KLUB BORILAČKIH SPORTOVA „SAMURAJ“	Nisu aktivni
49.	KLUB BORILAČKIH SPORTOVA „TROJAN CYBER COMP“	Nisu aktivni
50.	AIKIDO KLUB „TAKEMUSU“	Rekreacija
51.	SAVEZ ZA SPORT I REKREACIJU INVALIDA OPĆINE BIHAĆ	Turnirski sistem takmičenja
52.	PLESNI KLUB „VIRUS“	Turnirski sistem takmičenja
53.	PLESNI KLUB „SALSA“	Turnirski sistem takmičenja
54.	PLESNI KLUB „BOLERO“	Nisu aktivni
55.	AEROBIK KLUB „VIKTORIJA“	Turnirski sistem takmičenja
56.	PLESNI KLUB „ŽUTE DUNJE“	Turnirski sistem takmičenja
57.	JOGA U SVAKODNEVNOM ŽIVOTU	Rekreacija
58.	PLESNI KLUB „ORIENT“	Turnirski sistem takmičenja
59.	UDRUŽENJE GIMNASTIČKI KLUB „UNA“	Turnirski sistem takmičenja
60.	DRUŠTVO PEDAGOGA TJELESNOG ODGOJA OSNOVNIH ŠKOLA OPĆINE BIHAĆ	Školska takmičenja
61.	DRUŠTVO PEDAGOGA TJELESNOG I ZDRAVSTVENOG ODGOJA SREDNJIH ŠKOLA	Školska takmičenja
62.	ŠAHOVSKI KLUB „BIHAĆ“	Premijer liga BiH
63.	TAVLA KLUB „AJNA“	Turnirski sistem takmičenja
64.	ŽENSKI KUGLAŠKI KLUB „UNA“	Premijer liga BiH
65.	KUGLAŠKI KLUB „BIHAĆ“	1 liga F. BiH
66.	KONJIČKI KLUB „BIHAĆ“	Turnirski sistem takmičenja
67.	UDRUŽENJE KONJIČKI KLUB „JEDINSTVO“	Turnirski sistem takmičenja
68.	BODY BUILDING KLUB „VIKTORIJA“	Turnirski sistem takmičenja
69.	BICIKLISTIČKI KLUB „BIHAĆ 74“	Turnirski sistem takmičenja
70.	UDRUŽENJE ATLETSKI KLUB „BIHAĆ“	Turnirski sistem takmičenja
71.	BODY BUILDING «TNT»	Turnirski sistem takmičenja
72.	UNIVERZALNA ŠKOLA SPORTA „UNA“	Turnirski sistem takmičenja
73.	KOREKTNA IGRA „FAIR – PLAY“	Nisu aktivni
74.	STRELJAČKI KLUB „STRIJELA“	Nisu aktivni

ŠKOLSKI SPORT

Mnogobrojna istraživanja i iskustva postavili su sport na jedno od centralnih mjesta društvenog života.

Utvrđena je direktna veza između sporta i prevencije u oblasti fizičkog i mentalnog zdravlja djece i mladih za koje je sport najpopularnija aktivnost i kroz koju u toku školske godine prođe nekoliko hiljada učenika. Ovo su razlozi zbog kojih su općina Bihać i Sportski savez nastojali i podržavali aktivnosti na obezbijedenju što boljih uslova za realizaciju programa.

Primjena fizičkih aktivnosti u praksi pod nadzorom stručnih osoba , veoma je jednostavna, zdravstveno bezbjedna i ne zahtijeva velike materijalne izdatke.

Poznato je da su škole i sport u školama baza cjelokupnog sporta iz slijedećih razloga:

- kada je u pitanju masovnost , škole okupljaju najveći broj mladih u procesu nastave tjelesnog odgoja,
- u školama je najlakše stvoriti organizacione oblike i mogućnosti okupljanja svih učenika,
- postojanje sportskih objekata pri školama uz minimalna dodatna ulaganja , stvaraju dobre uslove za realizaciju programskih sadržaja,
- postojeći stručni kadrovi u školama uz dodatnu edukaciju, pa i užu specijalizaciju posjeduju dobar kvalitet da zadovolje potreban rad sa mladima,
- interes djece za bavljenjem sportom oduvijek je postojao među mladima , jer on pruža velike mogućnosti za ličnu afirmaciju, a ujedno pruža šansu za uključivanje u rad po klubovima po sopstvenom izboru što omogućava i postizanje i vrhunskih rezultata .

Sportski savez je pružio značajnu podršku razvoju školskog sporta kroz vannastavne aktivnosti učenika OŠ, kako u tehničkoj organizaciji, tako i kroz stimulaciju pedagoga tjelesnog odgoja .

Nosioci aktivnosti su pedagozi tjelesnog odgoja. U saradnji sa školama Sportski savez djeluje na uključivanju što većeg broja učenika u te aktivnosti, kako kroz vannastavna takmičenja , tako i kroz rekreativne aktivnosti- planinarenje, marševske ture, orijentaciono kretanje i sl.

Programski ciljevi:

- omogućiti što većem broju učenika naročito onima koji nisu angažovani po klubovima, da budu aktivni učesnici,
- školska takmičenja organizovati tokom školske godine, pogotovu tokom zimskog raspusta,
- obezbijediti regularnost takmičenja , nagrade i priznanja za najuspješnije,
- izvršiti popularizaciju svih aktivnosti među učenicima, a takmičenja da budu sastavni dio programa u školama , uz obavezno učešće u organizaciji ostalih nastavnika u školama.

Srednjoročni program podrške :

- realizovanje predviđenih programa,
- organizacija takmičenja od nivoa odjeljenja , razreda , škole do općine,
- raditi na popuni kabineta opremom i rekvizitima neophodnim za rad,
- izrada sportskih univerzalnih površina pri školama za realizaciju programa,
- medijsko praćenje aktivnosti u školskom sportu,
- obavezna analiza realizovanih programa.

Dugoročni program podrške :

- nastavak realizacije programa,
- izgradnja sportskih dvorana u školama koje ih ne posjeduju i proširenje istih u normalnim dimenzijama , koje u ovom trenutku ne zadovoljavaju,
- raditi na oživljavanju MOI učenika OŠ i SŠ na nivou države i sličnim manifestacijama .

U skladu sa gore navedenim Sportski savez sa pedagogima tjelesnog odgoja osnovnih škola je pokrenuo projekat vannastavnih aktivnosti učenika kao i Ligu mladih učenika osnovnih škola.

Program vannastavnih aktivnosti i sve aktivnosti vezane za njegovu realizaciju u funkciji su cjelokupnog razvoja antropološkog statusa učenika. Program ne dodiruje rad i programske aktivnosti u redovnoj nastavi, već ima za cilj da podpomogne redovnoj nastavi kroz vannastavne aktivnosti učenika. Liga mladih je također kontinuirani projekat koji traje tokom čitave školske godine, ima svoj jesenji i proljetni dio (sportske igre).

Možemo konstatovati da su oba projekta jako uspješna što dokazuju i rezultati naših učenika na Kantonalnim i Federalnim takmičenjima (u 2009 godini učenici i učenice naše Općine su osvojili ukupno 6 prvih mjesta, jedno 2.mjesto i jedno 5.mjesto, te su u ukupnom poredku osvojili 1.mjesto na svim Kantonalnim takmičenjima u 2009 godini te je Općina Bihać proglašena najboljom općinom kad je u pitanju školski sport u 2009 godini). Kad je u pitanju školski sport u srednjim školama ne možemo biti zadovoljni mada postoji realizacija određenih projekata. Ostvareni rezultati na kantonalnim i federalnim takmičenjima na ovom polju jako su dobri i pohvalni.

U narednom periodu trebamo podići nivo takmičenja kao i organizaciju na jedan daleko viši nivo, trebamo uključiti što veći broj srednjoškolaca u jedan kvalitetan trenažni proces putem projekata koji smo organizirali sa pedagogima sporta i tjelesnog odgoja osnovnih škola naše Općine.

Ipak, vrlo važno je spomenuti da se školski sport ne može tretirati kao « servis » vrhunskom sportu, niti borba za bodove, niti da je važnija od rada sa mladima.

UNIVERZITETSKI SPORT

Stanje u Univerzitetском sportu nije na zadovoljavajućem nivou jer ga praktično i nema.

Sport studenata ili univerzitetски sport ima svoje mjesto i važnost u razvoju sporta našeg Grada. Sport se pojavljuje u vannastavnim aktivnostima kao oblik rekreacije sa ciljem poboljšanja zdravog načina života i korištenja slobodnog vremena.

Cilj ovih aktivnosti je u okupljanju što većeg broja studenata u razne oblike aktivnosti, a koje prije svega zavise od prostornih i materijalnih mogućnosti.

Velike su mogućnosti organizacijskih oblika aktivnosti, kroz razna ligaška takmičenja u okviru univerziteta, grada Bihaća, pa i susreta sa drugim univerzitetima u BiH i inostranstvu.

Da bi se ovakvi programi realizovali važno je pronaći stalne izvore finansiranja i oformiti organizacioni strukovni savez studenata.

Ipak, raduje nas činjenica da je u 2010. godini osnovano sportsko društvo Univerziteta u Bihaću.

TAKMIČARSKI - KVALITETNI SPORT

Na osnovu kategorizacije sportova Sportski savez se mora odrediti – koji su sportovi koji pripadaju grupaciji kvalitetnog sporta i ujedno koji su klubovi nosioci kvalitete u tim sportovima.

Razlog tome je indikativno stanje , da sportski savez ima 74 kluba - članice, a da od toga broja ima 9 nogometnih klubova, 14 klubova raznih borilačkih sportova, 3 plesna kluba itd, uz tendenciju formiranja novih klubova.

S tim u vezi, posebnu pažnju treba posvetiti slijedećem:

- mjestu i ulozi pojedinih sportova u sistemu vrijednosti na nivou države,
- egzistiranje samo prve ekipe u sistemu takmičenja , bez rada sa mladima,
- na neadekvatnom kvalitetu u radu,
- na postepenom gašenju pojedinih sportova koji su do skora bili vodeći , uz stalno pojavljivanje i formiranje novih klubova koji polažu pravo na finansiranje od strane Saveza.

Prijedlog smjernica:

- odrediti se pri finansiranju sportova na strogo pridržavanje normativnih akata i zakona o sportu,
- prvenstveno finansirati olimpijske i tradiconalne sportove koji su svojim dosadašnjim radom , vaspitnom i zdravstvenom ulogom, kao i rezultatima ostavili duboki trag u sportu ovog grada,

- odvojiti finansiranje vrhunskih sportskih dostignuća i perspektivnih sportaša od kvalitetnog sporta,
- finansijskom politikom destimulisati formiranje sve većeg broja klubova , već insistirati na njihovom integrisanju,
- posebno stimulisati sportske organizacije koje rade sa mladima i ženskom populacijom,
- pružati pomoć u zajedničkim akcijama obrazovnim insitucijama u organizaciji i razvoju sporta .

Dugoročne smjernice:

- finansiranje isključivo programa rada sa perspektivnim kategorijama i kandidate za vrhunska sportska ostvarenja,
- motivisati i dati punu podršku sportskim organiazcijama u kojima je organizovan kvalitetni stručni rad (prema Zakonu o sportu-profesori tjelesnog odgoja, treneri sa završenom Višom trenerskom školom, treneri specijalisti),
- raditi na osposobljavanju sportskih organizacija takmičarskog sporta na samofinansiranju , a na osnovu Zakona o sportu BiH (na osnovu sponzorstva, donatorstva , formiranjem POOL-ova i sl.)

Uvažavajući vrijednost bar s pozicije koji se njime bave, ali i uvažavajući i razloge zbog kojih su određeni sportovi različito razvijeni (materijalni uslovi , tradicija , afiniteti građana, interes tržišta ...). Sportski savez kroz kategorizaciju sportova mora da se odredi selektivno u pristupu finansiranja svakog pojedinog sporta.

Kategorizacijom se ne želi podijeliti sportove na više vrijedne i manje vrijedne , već da objektivnim praćenjem razvoja sporta, postignutih rezultata i drugih elemenata, pravednije se opredijeli u finansiranju.

Time se želi odrediti pravac daljeg razvoja sporta, dajući podršku u stvaranju uslova za rad i takmičenja sportistima koji postižu optimalne rezultate , a zadovoljavaju većinu kriterija. Kategorizacijom se ne ometa rad i razvoj sportova i klubova koji njom nisu obuhvaćeni, a samim tim i podrškom saveza.

Rad sa mladim i perspektivnim sportašima i stvaranju uslova za njihovo dalje usavršavanje i napredak svakim danom postoje sve više briga Sportskog saveza.

Međutim, uz uslove koji su do sada stvoreni mora se poraditi na većoj:

- materijalnoj i finansijskoj podršci,
- podići nivo stručnog rada na što veći stepen,
- zdravstvenoj zaštiti sportaša i učesnika u sportu,
- povećati broj kontrolnih i zvaničnih nastupa,
- a pogotovo obezbijediti timski rad različitih struktura (organizacija kluba) u pripremi i trenažnom procesu.

U takmičarskoj 2009/2010.godini uočen je pad kvalitete našeg sporta, što se ogleda kroz neuspjehe pojedinih klubova u redovnim takmičenjima (NK “Jedinstvo”, Kuglaški klub “Bihać”, Kajak kanu klub “Una”, takmičarski rezultati Košarkaškog kluba “Bihać”, Muški rukometni klub “Bihać”, Ženski rukometni klub “Bihać”, muški Odbojkaškog kluba “Bihać”, kroz sve manje osvojenih titula državnih prvaka, smanjenim brojem nastupa na internacionalnoj sceni i učešća naših sportaša u raznim reprezentativnim selekcijama.

U istom periodu, jedan broj naših klubova i sportaša u pojedinačnoj konkurenciji su postigli odlične takmičarske rezultate: Plesni klub "Virus", Ženski odbojkaški klub "Bihać", Šahovski klub "Bihać", Karate klub "Bihać", Judo klub "Una", Konjički klub "Jedinstvo", Aero klub "Bihać", pojedinačno: Irma Memagić – PK "Virus", Evropska i Svjetska prvakinja u kategoriji juniora u showdance, Adna Kujundžić – PK "Virus", 2 mjesto na Svjetskom i Evropskom prvenstvu u showdance, Sara Rizvić i Ilvana Smajić – PK "Virus" – 3 mjesto na Evropskom prvenstvu u showdance duo, Edin Muslić – KK "Bihać", 3 mjesto na Mediteranskim igrama, Sanja Samardžić – KBC "Bihać", 2 mjesto Svjetskom prvenstvu, Hana Topčagić – JK "Una", 5 mjesto na Evropskoj olimpijadi mladih i 5 mjesto na Balkanskom prvenstvu.

Iz pregleda klubova članica Saveza, razvrstanih po nivoima – rangovima takmičenja u okviru Bosne i Hercegovine, dobiće se još jasnija slika – uvid u dostignuti nivo takmičarske kvalitete našeg sporta:

Premijer liga BiH:

1. Ženski odbojkaški klub "Bihać",
2. Ženski kuglaški klub "Una",
3. Šahovski klub "Bihać",

Prva liga F. BiH

1. Ženski rukometni klub "Bihać",
2. Rukometni klub "Bihać" – grupa Sjever
3. Odbojkaški klub "Bihać"
4. Kuglaški klub "Bihać"
5. Nogometni klub "Jedinstvo"
6. Košarkaški klub „Bihać“ – A1 liga

Druga liga F. BiH:

1. Nogometni klub "Radnički 1936" Ripač,
2. Nogometni klub "Brekovica 78"

Kantonalna liga USK-a:

1. Nogometni klub "Borac" Izačić,
2. Nogometni klub "Una 1925" Kulen Vakuf,
3. Nogometni klub "Sloga 1937" Kralje – Vrkašić
4. Nogometni klub "Omladinac-75" Pokoj

Omladinske lige USK-a:

1. Nogometna škola "Kolibri"
2. Škola fudbala Fudbalski klub "Prekounje 502"
3. Košarkaški klub "Bosna XXL"
4. Stonoteniski klub "Bihać"
5. Škola košarke „Koš“

Savez ima ukupno 74 članice, a klubovi koji nisu navedeni u ovom pregledu, nemaju ligaški sistem takmičenja, odnosno takmičenja se odvijaju turnirski u okviru Kantona, Federacije i na nivou Bosne i Hercegovine, odnosno jedan broj naših članica, organiziran je na način da se sportom bave kao rekreacijom.

Također, uočeno je da jedan broj klubova nema nikakvu aktivnost u zadnjoj takmičarskoj godini (NK "Kamenica", ONŠ "Jedinstvo", Kajak kanu klub "Kostelski buk", Plesni klub "Bolero", Klub borilačkih sportova "Samuraj", Karate klub "Mladost", Klub borilačkih sportova "Trojan Cyber Comp", Korektna igra "Fair – play" i Streljački klub "Strijela"), pa će Savez u skladu sa svojim normativnim aktima, te Zakona o udruženjima i fondacijama F. BiH, poduzeti potrebne radnje.

VRHUNSKI SPORT

Ključni pojmovi u sportu su najčešće –takmičenja , uspjesi ili neuspjesi , pobjeda ili poraz, postignuti rezultat, rekord i dr.

Napori kojima su izloženi sportaši, im omogućavaju da prevaziđu sebe, postignu rekorde, da budu bolji i uspješniji od drugih i sl. su motivi koji ih vode ka vrhu i daju sportu onu karakteristiku koja se zove «vrhunsko stvaralaštvo» ili «vrhunski sport».

Da bi se došlo na vrh neophodna su maksimalna naprezanja, izuzetna opšta fizička i specijalna fizička priprema, usavršavanje svih tehničkih elemenata, psihološka priprema i drugi elementi.

Uz to treba navesti i ostale faktore koji utiču na postizanje vrhunskih rezultata kao što su: zdravstveno stanje i zaštita sportaša , uslovi života stanovanja ishrane, školovanje i dr.

Takvu motivaciju i uslove nemaju svi sportaši , a što je normalno ni jednake ambicije, mogućnosti i kvalitete. To međutim ne može biti razlog da se nekome zabrani da ostvari takve ambicije. Da bi se stvorile pretpostavke za postizanje vrhunskih rezultata i vrhunskih ostvarenja neophodan je višegodišnji planski i programski rad , planiranje i upravljanje procesom treninga , određivanje programskih ciljeva , prognoza mogućih ostvarenja , stručno vođenje procesa stvaranja vrhunske forme i dostizanje maksimuma u određenom trenutku.

Kada je u pitanju stanje u vrhunskom sportu, a kod nas postoji , karakteristika je improvizacija u većini slučajeva.

Ako se usvojena Strategija koristi kao početna baza i smjernica daljeg razvoja sporta na općini Bihać, tada je neophodno usaglasiti stavove i mišljenja Saveza i općinskog vijeća, kao i relevantnih sportskih radnika i stručnih lica.

Jedini način i pravi put je:

- da se opredijelimo za višegodišnje planiranje u daljem radu,
- da se obezbijede svi faktori koji će omogućiti vrhunske rezultate u sportu,
- da se utvrde elementi prioriteta kod odabira sportova kojima će se pokloniti veća pažnja, izdvojiti više sredstava, obezbijediti optimalne uslove, angažovati najkvalitetnije stručnjake i prognozirati moguća ostvarenja.

Sportski savez se mora opredijeliti za prioritete u sportu koristeći se već davno usvojenim kriterijima u mnogim sredinama, koji se odnose na:

- postignute rezultate u poređenju sa evropskim, svjetskim i olimpijskim standardima i mogućnostima,
- kakva je masovnost i rasprostranjenost određenog sporta od općine , kantona, države i dalje,
- koje su tradicijske i geografske karakteristike tih sportova,
- finansijski i materijalni momenti, sportski objekti , sredstva za realizaciju programa i dr.,
- stručni i kvalitetni kadrovi.

Vrhunsko stvaralaštvo i vrhunski sport postaju vrhunskim tek kada se ostvare rezultati na internacionalnom planu i to na zvaničnim takmičenjima , i treba ga vrednovati ne samo kroz postignute rezultate, već i kroz količinu uloženog rada i truda kako bi se ti krajnji efekti postigli. Postignuti rezultati naročito reprezentacije su magnet za mlade i povećavaju interes za tu sportsku granu, afirmišu sredinu iz koje se sportaši regrutuju a samim tim grad i državu.

Ono što je obaveza Saveza, to je da u saradnji sa klubovima iz čijih redova dolaze talentovani i perspektivni sportaši, koji su rangirani kao potencijalni kandidati za reprezentaciju BiH, sačini višegodišnje planove priprema. Cilj tog planiranja je stvaranje preduslova za sportsko usavršavanje i podizanje nivoa forme i obuke. Takav odnos prema individualnim kandidatima je opravdan kao briga za vrhunski sport i vrhunsko stvaralaštvo.

Pored navedenih rezultata u poglavlju takmičarski sport, smatramo da Bihać i na ovom planu može postizati i bolje rezultate.

SPORTSKA REKREACIJA – «SPORT ZA SVE»

Rekreacija je segment fizičke kulture svakog naroda, veoma važna u životu mladih i odraslih stanovnika. Rekreativno vježbanje stvara pozitivne navike rada i obaveza kod djece, razvija koordinaciju pokreta, jača organizam, preventivno utječe na otpornost od bolesti, utiče na brže ozdravljenje ili dovođenje u funkciju organizma nakon povreda, psihički rasterećuje organizam , stvara zadovoljstvo itd.

U narednom periodu treba sačiniti pregled individualnog i grupnog vježbanja, pa nakon toga donijeti ocjenu i o potrebi formiranja institucije sportske rekreacije koja će se baviti organizovanim radom na tom planu.

Ljubitelji rekreacije se sami organizuju, odlaze na kraće pješačke ture i izlete, bave se sportskim igrama, voze bicikl i sl.ali bez stručnog nadzora. Svaki odlazak u prirodu, a pogotovu u nepoznate dijelove okolnih planina bez stručnog vodiča i poznavanja opasnosti na koje mogu da naiđu, je «avantura» i veliki rizik. Tome treba dodati i neplansko hodanje, trčanje, vožnja bicikla i druge aktivnosti, bez konsultacija sa ljekarima i saznanjem kakve su mogućnosti organizma da podnese određene napore.

Osnivanjem organizacije koja bi stručno i savjetodavno djelovala na sve korisnike rekreativnih aktivnosti je od neizmjerne koristi , a mogla bi da bude pokretač i organizator masovnih rekreativnih manifestacija i priredbi.

Sportski savez i Savez rekreativaca (ili kako bi se zvala ta organizacija) mogla bi da bude inicijator i organizator uređenja trim staza u dijelovima grada za rekreativno vježbanje , kao i drugih terena i površina.

Pod sportskom rekreacijom podrazumijevamo cjelokupnu čovjekovu aktivnost kojom se on bavi, van profesionalnog rada a po sopstvenoj želji i u cilju zadovoljavanja svojih potreba za igrom , razonodom i odmorom. Zbog toga je neophodno da se uvažavaju želje i interesi građana, ali istovremeno da se te aktivnosti usmjere u skladu sa postojećim materijalnim ekonomskim mogućnostima cjelokupnog društva. Ovo je moguće i potrebno realizovati, buduće je opredjeljenje Sportskog saveza Bihać i općine Bihać podrška masovnom sportu, u koji uz školski sport spada i sportska rekreacija.

Da bi se ostvarili ciljevi i zadaci rekreacije, a to znači humanizacija života i smanjenje nepovoljnih utjecaja na život, sport postaje što više uz brigu za zdravlje i produženjem zdravog života i stil života.

Fizičko vježbanje ima neprocjenjivu ulogu na stanje zdravlja u vremenu u kojem živimo, a plansko i programsko opredjeljenje Sportskog saveza mora da obuhvati aktivnosti sportske rekreacije, jer njeni sadržaji ne zahtijevaju velika izdvajanja, skupe objekte i opremu, a najčešće se zasnivaju na samo finansiranju.

Možemo konstatovati da je ocjena stanja u ovom području na niskom nivou.

SPORT OSOBA SA INVALIDITETOM

Na općini Bihać, sport osoba sa invaliditetom ostvaruje se kroz rad i takmičenja košarkaša u kolicima , sjedećoj odbojci, sportskom ribolovu i drugo.

Međutim, ne možemo biti zadovoljni masovnošću učesnika u drugim vidovima aktivnosti , angažmanom invalida na rekreativnim programima, te na akcijama koje će omogućiti i ostalim osobama sa invaliditetom , bez obzira na njihove mogućnosti da pokažu interes i pronađu sebe u nekom drugom od sadržaja takvih programa. Pored poznatih činjenica da sport pomaže u pozitivnom , u resocijalizaciji tih osoba, uključivanje u normalni život i slično svi nemaju afinitete, mogućnosti i interes za aktivnim bavljenjem sportom, ali za rekreativnim aktivnostima vjerovatno imaju.

S obzirom na postojanje Saveza za sport invalida naophodno bi bilo da se obave određene predradnje kao što su:

- anketom utvrditi interese te populacije stanovništva za uključivanje u sportske aktivnosti,
- obezbijediti minimalne uslove u prostorijama , gdje bi se te aktivnosti mogle organizovati,
- angažovati amaterski stručni kadar za izradu plana i programa rada i njihovu realizaciju,
- pošto su to rekreativne aktivnosti, povezati se sa sportskim organizacijama koje bi pružale usluge u realizaciji programa,

- obezbijediti određena sredstva putem budžeta općine i Sportskog saveza za finansiranje programa i za kontinuitet u njihovoj realizaciji,
- izgradnja društvenih prostorija prilagođenih potrebama invalida , sa mogućnošću realizacije programa kao što su: šah sala, sala za pikado, sala za stoni tenis i dr.,
- izgradnja vanjskih terena za sport kao što su: plivački bazen za rehabilitaciju invalida, trim staza , staza za boćanje i viseća kuglana i drugi objekti za rekreaciju koje bi mogli koristiti i građani i osobe sa invaliditetom.

Moramo shvatiti da su sve ove aktivnosti veoma važne i humane, a kroz propagandu u njih treba uključiti što veći broj članova udruženja invalida.

Takmičarskim klubovima, članicama Saveza invalida, treba omogućiti učešće na manifestacijama i prvenstvima, a oni trebaju da budu nosioci okupljanja i angažmana u sportu i ostalih osoba sa invaliditetom, kao motiv aktivnog vježbanja. Tu se prije svega misli i na prihvatanje mlade populacije, osoba sa invaliditetom i oštećenjima, kako bi što ranije osjetili brigu društva, njegovu humanost i značaj bavljenja sportom.

Sport osoba sa invaliditetom je u posljednjih desetak godina funkcionirao i razvijao se po konceptu promocije više općine nego države. Promotorski model sporta, izravno ili neizravno oslonjen na budžetska davanja, stvorio je ideje o prioritetu nekoliko sportova (nogomet), te profesionalnog sporta u prvi plan stavio je pitanje razvoja i održavanja profesionalnih pogona, dok su obavezni sportski programi u sistemu obrazovanja, odgoj mladih sportaša i stručnih kadrova i sportska infrastruktura samo povremeno bila pitanja o kojima se raspravljalo u javnosti, tražeći bolja rješenja. Primjera za navedenu konstataciju je mnogo.

STRUČNI KADROVI

Na osnovu Zakona o sportu BiH za poslove u sportu se mogu angažovati lica sa stručnom spremom koju su stekli na fakultetima za sport, te školovanjem nakon završetka aktivne sportske karijere.

Međutim, školovana lica na fakultetima su osposobljena da rade sa djecom u školama i posjeduju znanja za takav rad, ali nisu školovana kroz specijalizaciju za određenu granu sporta. Sportu su neophodni stručnjaci-specijalisti , da planiraju i programiraju rad u klubovima ili pojedinim sportistima koje vode , da organizuju treninge kroz sve njegove faze u radu, da pripremaju sportaše za izvanredne napore koji su neophodni za vrhunska ostvarenja, da su educirani za svoju granu sporta i slično.

Takav profil kadrova ne daju škole ni fakulteti za sport već specijalizovane institucije – trenerske škole.

Savez ukazuje na potrebu i interes za nedostatkom kadrova, koji su neophodni u sportskoj obuci , pripremi i treningu sportaša za takmičenja , ali i za kadrove za rukovođenje i organizaciju sporta. Međutim, treba da nam bude jasno da Savez treba da podrži školovanje za trenere, za rad u klubovima, ali i ne da preuzme kompletnu brigu i finansira studij na trenerskim školama. To mora da bude briga prije svega same osobe koja želi da ostvari taj cilj, te da uz pomoć kluba i dijelom saveza završi trenersku školu.

Seminari za trenere su samo nadgradnja na postojeća stečena znanja na redovnom ili vanrednom školovanju, mogućnost sticanja novih saznanja i savremenih metoda u radu, razmjena iskustava i saznanja za korištenje stručne literature, interneta i slično, a ne i garancija dobijanja stručnosti za rad sa sportašima. Normalno je, da bogato igračko iskustvo daje prednost u praktičnom radu.

S obzirom na postojanje PF u Bihaću, Savez u saradnji sa klubovima mora da bude inicijator stalnih sastanaka, seminara i «okruglih stolova» sa predavačima na PF, kako bi stručna lica koja rade u klubovima dobili što više informacija, uputa, savjeta i sve ono što će ih educirati i olakšati rad u klubovima. Zabrinjavajuća je činjenica da u našim klubovima ima vrlo malo, skoro nikako, profesora tjelesnog odgoja, profesora sporta, a na tržištu rada ih ima.

ZDRAVSTVENA ZAŠTITA

Pod zdravstvenom zaštitom sportaša podrazumijeva se: kontrola stanja zdravlja djece i mladih, kao i drugih građana prije početka i u toku trajanja aktivnosti u sportu i sportskoj rekreaciji, pružanje hitne medicinske pomoći takmičarima i drugim učesnicima i prisutnim licima na sportskim takmičenjima i priredbama, kao i kontrola uzimanja i davanja zabranjenim stimulativnih i doping sredstava sportašima.

Sport je dokazano sredstvo pozitivnog uticaja na duhovni i tjelesni razvoj djece i mladih, ali i dokazano sredstvo zdravstvene prevencije na očuvanju i unapređenju zdravstvenog statusa sportaša.

Nedovoljno i neadekvatno tjelesno vježbanje, kao i nestručno vođenje procesa rada u klubovima, može izazvati tjelesne deformitete među mladima.

Kontrola stanja zdravlja mladih i građana u toku bavljenja sportskim aktivnostima je neophodna.

Pružanje medicinske pomoći povređenim sportistima i aktivnim učesnicima u bavljenju sportom kao i pomoć trenerima u planiranju procesa treniranja i testiranja su neophodni i neprocenjivi.

Neorganizovanost zdravstvene zaštite sportaša zahtijeva poduzimanje konkretnih mjera na tom planu, a osnovni cilj mora da bude zaštita svih učesnika i garancija, da se aktivno i rekreativno bavljenje sportom može sprovoditi bez posljedica za zdravlje. Zdravstvena zaštita mora da bude dostupna svim učesnicima, kako kroz kontrolu zdravstvenog stanja na početku, isto tako i u toku bavljenja sportom.

Društvo mora da bude zainteresovano za stanje zdravlja stanovništva, pa samim tim i sportaša, te obezbijedi sve uslove za formiranje centra koji će se baviti unapređenjem zdravstvene zaštite, prevencije i dijagnostike, liječenjem i rehabilitacijom povređenih učesnika u sportu.

To može da postane i profitabilna grana u oblasti sporta te sama sebi može da osigura vlastita sredstva za nabavku opreme, zapošljavanje stručnjaka i obezbjeđivanje neophodnih uslova za rad.

Naši sportaši imaju obavezni oblik zdravstvene zaštite, koji propisuju državni strukovni savezi. Već više godina smo svjesni da zajedno nedovoljno ulažemo u zdravstvenu zaštitu učesnika u sportu, prvenstveno iz razloga nedostatka novčanih sredstava.

NAUČNO-ISTRAŽIVAČKI RAD

Nezamisliva je djelatnost u sportu i njegov razvoj, bez nauke, pa je neophodno ulagati u naučno-istraživački rad , ali i sa obavezom primjene tih dostignuća u praksi.

Za sport su veoma korisna istraživanja na polju medicine, biologije, sociologije i psihologije.

Kod nas se osjeća nedostatak takvih ili sličnih institucija , a razlog su –kadar i nedostatak sredstava.

Sportski savez treba razmotriti zajedno sa drugim subjektima mogućnost pokretanja inicijative za osnivanjem takve institucije uz podršku ostalih općina, a u cilju podizanja kvaliteta stručnog rada, a samim tim i postiznaja vrhunskih rezultata, a u njenom finansiranju treba da sudjeluje i Vlada Kantona.

FINANSIRANJE SPORTA

Finasiranje svih vidova sporta (takmičarskog, rekreativnog, školskog, studentskog, sporta za osobe sa invaliditetom), kao i ostalih segmenata sporta (sportska infrastruktura, izdavačka djelatnost, zdravstvena zaštita sportaša i učesnika u sportu), jedan je od najznačajnijih segmenata, i naznačeni su u Strategiji i pravcu razvoja sporta općine Bihać.

Finansiranje sporta definisano je Zakonom o sportu USK-a član 31 iz 2000.godine i Zakonom o izmjeni i dopuni Zakona o sportu USK-a član 1. iz 2004.godine.

PREGLED KRETANJA PLANIRANIH I REALIZIRANIH PRIHODA ZA FINANCIRANJE SPORTSKOG SAVEZA BIHAĆ IZ SREDSTAVA BUDŽETA OPĆINE BIHAĆ ZA PERIOD 2006. – 2010. GODINA

GODINA	PLANIRANO	REALIZIRANO	INDEKS (3: 2)
1	2	3	4
2006	670.106	667.050	99
2007	450.000	461.000	102
2008	548.000	511.000	93
2009	448.000	374.101	83
2010	297.000 (po rebalansu)	98.276 (30.06.2010.)	33

NAPOMENA: Budžetom Općine Bihać dodatno je odobreno 115.000,00 KM u 2010.godini: za zakup STENS-a u iznosu od 38.600,00 i termina u dvorani Luke u iznosu od 76.400,00. Ova sredstva se realiziraju direktnim doznakama JU za sport,odmor i rekreaciju.

Posmatrajući prethodne podatke možemo zaključiti slijedeće:

1. Ako uzmemo kao baznu godinu 2006.u pogledu planiranih sredstava onda je situacija što se tiče planiranih i realiziranih sredstava najdrastičnije umanjena u 2010.godini za 63 %.
2. 2007/2006 godina imala je umanjnje za 33%
3. 2008/2006 godina imala je umanjnje za 18%
4. 2009/2006 godina imala je umanjnje za 34%
5. 2010/2006 godina imala je umanjnje za 56%

Napominjemo, da je u 2010 godini u odnosu na 2009. godinu planirani iznos sredstava za oblast sporta iz Budžeta općine Bihać, umanjen za 44%, što je zabrinjavajuće, bez obzira ako imamo u vidu i tešku ekonomsku situaciju. Ova oblast ima poseban društveni interes, čije aktivnosti i djelatnost obuhvata najmlađe i osobe srednje životne dobi, čiji se efekti u pozitivnom smislu očituju tek kasnije, kroz zdravlje, udaljavanje omladine od poroka i kriminala i slično.

Iz svega prezentiranog možemo doći do zaključka, da znatno umanjnje sredstava za sportsku djelatnost Saveza općine Bihać i cjelokupnu društvenu zajednicu može imati dalekosežne posljedice, prvenstveno u prestanku rada mnogih klubova, a time i smanjenju broja članova. Pored toga veliki broj manifestacija iz ove oblasti će morati biti brisan iz programa rada mnogih sportskih organizacija, pa i samog Saveza. Time ćemo veliki dio mlade populacije i omladine „izgubiti“ kao aktivne članove mnogih klubova, posljedice koje

bi nastupile samo možemo nagađati i sa zebnjom očekivati da to ne krene u negativnom pravcu. Zbog toga, trebamo svi da se zamislimo, jer na nama je odgovornost, a pogrešne odluke nam mogu samo donijeti još više problema.

SPORT I INFORMISANJE

Sredstva informisanja moraju da postanu glas kompletnog sporta na općini, a Sportski savez sposoban i snažan da istakne korist od bavljenja sportom i obezbijedi široku podršku sportu.

Mora se stvoriti abmijent , da Savez bude centralni arhiv za prikupljanje podataka i informacija o svim aktuelnim zbivanjima u sportu. Podaci treba da se šalju iz klubova, a da su dostupni svakome od sredstava informisanja do stručnih radnika i građana. Sredstva informisanja moraju biti u «službi sporta», kada je u pitanju propaganda zdravog življenja, da su nosioci aktivnosti svega pozitivnog što sport donosi, na stvaranju javnog mišljenja o svemu što se u sportu i oko sporta dešava i slično.

Program aktivnosti Sportskog saveza u informisanju pored navedenog treba da sadrži stalne kontakte sa medijima RTV Bihać i RTV USK-a, te aktivnosti na pokretanju inicijative za dobijanje specijalnog prostora u listu «037» i listu „Krajina“, da bar jednom mjesečno sa cjelokupnim rezultatima i svim onim što se događa u sportu na općini Bihać informiše javnost.

Sportski savez treba da da doprinos sredstvima javnog informisanja kako bi se programska politika usmjerila na:

- poboljšanje medijske pokrivenosti u sredstvima informisanja sa prijedlozima i zahtjevima da se o sportu piše ne samo kroz izvještaje o održanim priredbama nego i šire,
- raditi na pokretanju emisije na radiju sa stalnim i povremenim rubrikama edukativnim sadržajima intervjuima i slično kao i na organizaciji «okruglih stolova» , javnih nastupa i slično, a sve u cilju propagande sporta i za sport.

Sa sadašnjim stanjem ne možemo biti zadovoljni i Savez će poduzeti potrebne radnje da se ovaj vrlo važan segmenat našeg djelovanja digne na viši nivo.

3. ZAKLJUČNA RAZMATRANJA -REZIME

Tokom izrade analize uvažena su osnovna načela domaćeg zakonodavstva s posebnim osvrtom na Zakon o sportu u BiH, kao i kantonalnim propisima koji regulišu oblast sporta.

Činjenica je da su sportski objekti u našoj općini najvećim dijelom u lošem stanju, da isih nedostaje, što umanjuje mogućnost djeci i omladini za bavljenje sportom, za bavljenje vrhunskim sportom i rekreativnim vježbanjem svih građana.

Zadnjih nekoliko godina uočen je pad kvalitete takmičarskog sporta (bez obzira što jedan broj klubova i pojedinaca postiže odlične rezultate), što je u direktnoj vezi sa nedostatkom potrebnih sportskih objekata, nedovoljnog broja stručnih kadrova, te višegodišnjeg umanjavanja izdvajanja budžetskih sredstava za oblast sporta. Ukoliko se ovo stanje ne popravi stanje u sportu će se još više iskomplikovati i neće biti pozitivnih pomaka za duži vremenski period, a opće je poznato da je daleko teže vratiti izgubljene pozicije, nego zauzeti nove.

Osim evidentnih finansijskih poteškoća uočeno je loše poslovanje klubova u smislu slabe organizacije rada lošeg vođenja administracije, finansijske nediscipline, što za rezultat ima slabu promociju u javnosti, nedostatak sponzora, slabije takmičarske rezultate.

Evidentan je nedostatak vizije u većem broju naših sportskih udruženja, a da bi klubovi postizali bolje rezultate njegovi rukovodioci moraju imati jasnu viziju i plan za ostvarenje te vizije.

Također, kao loša pojava uočen je nedostatak mladih obrazovanih kadrova, u sportskim udruženjima koji imaju jasne ciljeve i definiran put razvoja sporta u našoj sredini. Primjećeno je da se značajan broj klubova još uvijek vode zastarjelim metodama rada, jer osobe koje su na čelu tih udruženja ne znaju mnogo o menadžmentu ljudskih resursa.

Poznato je da je u svijetu praksa potpuno drugačija i da se na čelu sportskih udruženja nalaze poznati bivši sportaši i sportski radnici, a u našoj sredini takvo angažiranje nailazi na otpor onih koji su već godinama na čelnim pozicijama. Uz ove podatke uočeno je da su na čelnim pozicijama isključivo muškarci.

Ipak, pored navedenih nedostataka i potreba sa kojima se sport susreće, mora se priznati da su sportska udruženja uspjela opstati i mnoga su osnovana (preregistracije, reorganizacije), uspjelo se održati takmičarske timove, koliko su u mogućnosti pronalaze načine za prikupljanje sredstava za učešće timova i pojedinaca u takmičenju, što im je i glavni cilj.

4. PRIJEDLOG MJERA ZA UNAPREĐENJE POSTOJEĆEG STANJA:

MJERE	NOSIOCI AKTIVNOSTI	ROKOVI
Poštivati Zakon o sportu i u skladu s tim izdvajati sredstva iz Budžeta	Općina Bihać i Sportski savez Bihać	Trajno
Permanentno educirati mlade o značaju sporta i sportskih aktivnosti na području općine	Sportska udruženja-klubovi, Društvo pedagoga i Sportski savez Bihać	Trajno
Obezbijediti optimalnu informiranost mladih o ovim aktivnostima kroz sve medije	Sportski savez Bihać sa članicama	Trajno
Kontinuirano povećavati budžetska sredstva i usmjeravati ih prema sportu mladih, obezbjeđujući resurse za razvoj sporta	Općina Bihać i Sportski savez Bihać	Stalna zadaća u skladu sa usvojenom Strategijom i godišnjim Programom rada
Primjenom kvantitativnih analiza utvrditi egzaktnost ovih aktivnosti na smanjenje destruktivnih pojava i definiranju opravdanosti ulaganja u razvoj sportske aktivnosti	Sportski savez Bihać sa članicama	Trajno
Obezbijediti sociološki siromašnijim sredinama sportske sadržaje u cilju sprečavanja ovog oblika isključenosti	Općina Bihać na prijedlog Sportskog saveza Bihać	Stalni zadatak
Kroz budžet za sport, a u skladu sa opredjeljenjima Općinskog vijeća podržavati sufinansiranje aktivnosti organizacija u sportu	Sportski savez Bihać na osnovu usvojenog Pravilnika	Stalni zadatak
Ubrzavati proces izgradnje započetih i evaluirati potrebe za izgradnju novih sportskih objekata	Općina Bihać na prijedlog Sportskog saveza Bihać	Utvrđeni Strategijom razvoja grada
Insistirati na boljoj zdravstvenoj zaštiti	Nadležne institucije u skladu sa Zakonom o sportu BiH, Zakonom o zdravstvenoj zaštiti F BiH	Stalni zadatak
Podržavati edukaciju sportskih pedagoga, sportskih medicinskih radnika, sportista, trenera, sportskih menadžera i sl	Sportski savez Bihać u suradnji sa Pedagoškim fakultetom	Stalni zadatak
Utvrđiti dinamiku realizacije aktivnosti koje bi doprinijele razvoju sporta na području općine Bihać	Sportski savez Bihać	Uraditi srednjoročni program razvoja na osnovu usvojene Strategije razvoja sporta do 2015.godine

Broj: _____/ 10.
Dana, 24.08.2010.god.

Predsjednik Upravnog odbora
Sportskog saveza Bihać
Z l a t a n T a j i ć